

gulden, also das hey sich synes geldis vor allirmenlich<sup>c)</sup> daran irhalin sal, des sal hey ym funffczehen nuwe schog bezalin uff dissen nestin sencte Michelis tag neste kommenden und das andir teyl der sumen geldis sal hey ym bezalin uff ostirn darnoch neste<sup>d)</sup> komende unverczogillich und an allin schaden. Actum anno domini etc. millesimo (quadringentesimo) vicesimo IX<sup>o</sup> apud magistrum civium Wetterhan etc. Idem hat bezalt an der selbigen summen geldis czwenczig rynischs gulden uff den nestin mittwochin Francissci.

*a) vor dem Textblock steht der abgebrochene Eintrag* Wisszit das vor uns in eynen siczinden rat komen ist Hans Wur... *b) alles durchgestrichen* *c) folgt durchgestrichen* irhalin sal *d) folgt durchgestrichen* kond

## 618.

1429 --

### ***Nickel Grant verkauft sein Acker und Erbe.***

*fol. 101v* <sup>a)</sup>Wisszet das vor uns in eynen siczindin rat komen ist Nickil Grant, unser metburgir, unde hat vorkaufft Nickil Clee, dem schuster, gesesszin by der Cluge Nickillin, ackir und erbe, gelegen nederwendig Rybinsztorff an Snabils reynen, dy von den von Schoneburg zcu lehen gyn, vor <sup>b)</sup>drissigk gulden<sup>b)</sup> gulden. Des sal hey ym bezalin 15 nuwe schog uff sente Michaels tag neste komende unde das anderteyl der summe uff ostirn darnoch neste komende an allin verczog, intrag, hindernisse und an allin schaden unde hat ym das selbige gut in gesaczt zcu eynen willigin phande, das hey sich synes guttis geldis vor allirmenlich irhalin sal. Actum apud magistrum civium Andreas Wetterhan anno etc. XXIX<sup>o</sup>.

*a) alles durchgestrichen* *b-b) am linken Rand, ersetzt durchgestrichen* sebzentzig

## 619.

1429 --

### ***Güterregulierung der Margareta, gen. die Bosseckin, zu Gunsten ihres Ehemannes.***

*fol. 101v* Margareta Bosseckyn, unser methenburgirryn, ist komen vor gehegete dyngbanck zcu rechter dyng czy(t). Ich Burghart Kaldinkoch, zcu der zcyt statvoyt zcu Czwigkaw, und wir scheppfin uff das jar daselbst Jost Pasinkese, Hans von der Olsznych, Niclaws Gurtiller et Nicolae Trettwyn etc. bekennen, das Margareta, genannt dye Bosseckyn, vor uns in gehegete dyngkbank komen ist zcu rechter dingk zcyt und hat uff gelasszin Dieterich Wiszheubt, yrem elichin wirte, allis das sye hat adder ummer gewynnet, ys